



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 31. S. Theodori Studitæ constantia.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

tore traditur custodiae Joannis Leconomantæ, qui eum diu fame aliisque tormentis vexavit. Tandem, in Arcem Criotaurum relegatus, in caliginosa specu usque ad Leonis fata custoditus est.

Sæculum IX.

A. C. 817.

Boll. 27. Ap. to. 2. p. 496.

§. XXXI.

S. Theodori Studitæ constantia.

At S. Theodorus Studita non fuit revocatus. Statim initio exilii sui in Arce Metopensi apud cunctos, quibus ad eum aditus patebat, suis sermonibus, & datis litteris apud absentes veritatem Catholicam defendit. Ex illis Epistolis unam habemus datam ad Josephum, germanum suum, Archiepiscopum, de lapsu Abbatum, qui cum Iconoclastis communicaverant. In ea primo nominat Josephum Oeconomum, qui olim nuptias adulterinas Constantini Imperatoris celebraverat; deinde Abbates alios septem, a Josepho seductos, quos Monasteriorum suorum nomine designat. Scripsit quoque Naucratio Discipulo suo, se, audito tristi nuncio, noctem insomnem duxisse, seque minus mirari ignaviam illorum, qui nuptias adulterinas approbarunt. *Hi autem, inquit, veritatis oppressionem prudentem dispensationem appellarunt.*

ep. 10.

Hæc viri libertas & scriptæ maxime Epistolæ Imperatorem latere non poterant.

vit. n. 83.

Sæculum IX. rant. Mittit igitur quemdam, arcano-
 A. C. 817. rum suorum conscium, nomine Nice-
 tam, cum mandatis, ut Sanctum in Na-
 toliam Bonitam (id loco nomen erat) ab-
 duceret, & inclusum ita coerceret, ut
 neminem videre, neminem alloqui pos-
 set. Quæ Nicetas Theodoro cum de-
 tulisset, *Locum, inquit, mutabo baud gra-
 vate, nulli enim addictus sum, linguam
 vero, ut ut suadeatis, inbibebo nunquam,
 quippe amore veritatis banc sortem ma-
 lam libere elegi.* Imperator, ubi iterum
 vit. n. 84. audivit, quam excelsa mens Theodoro
 esset, Nicetam secundo illuc proficisci
 jubet, diras plagas illi inferre, & totam
 carnem vibicibus implere. Cum Nice-
 tas ad Sanctum pervenisset, ille e vesti-
 gio & alacriter tunicam exuit, corpus-
 que ad accipienda verbera composuit,
 dicens, hoc jam pridem optatum sibi &
 expectatum fuisse. At Nicetas, ut ve-
 nerandas illas carnes nudas vidit, quas
 jejunia ad summam maciem perduxer-
 ant, intimis sensibus indoluit, jussitque,
 ut honestatis causa solus cum solo relin-
 queretur. Tum ovis pellem recens de-
 tractam accipit, viri humeris imponit,
 & sic in ea dstringit verbera, quorum
 strepitus ad foris stantes perveniebant.
 Quin ut guttas etiam ex plagarum cruo-
 re profusas ostendere posset, sanguinem
 e brachio suo lanceolæ ictu elicuit, eo
 manan-

manante flagrum imbuit & foras pro-
gressus tinctum exhibuit. Ipse porro
citato anhelitu fatigationem simulabat.

Sæculum IX.
A. C. 817.

§. XXXII.

S. Theodorus Papæ scribit.

Igitur S. Abbas nec loqui nec dare Epi-
stolas, atque præter alios, ad Patriar-
chas, nempe primo ad Paschalem suo &
aliorum quatuor Abbatum, quorum pri-
mus est Joannes Catharensis, nomine
non cessavit. In hac Epistola dicit:
*Jam fere pleraque de persecutione, quam
patimur, ad Beatitudinem tuam supre-
mam delata fuerint; id tamen forte per
Epistolas accurate necdum factum. Ita-
que, Capite nostro comprehenso (scilicet
Nicephoro Patriarcha) & Fratribus no-
stris in diversa sparsis, nihilominus viam
invenimus nos in Spiritu conjungendi,
& tibi hæc confidenter scribimus. Au-
di, Apostolicum Caput, a Deo præposi-
te Pastor ovium Jesu Christi, qui acce-
pisti claves Regni Cælorum, Petra super
quam ædificata est Catholica Ecclesia, (*)
tu enim es Petrus, quia Sedem ipsius im-
ples.*

G 3

(*) Talia P. Balduinus a Fleurio mala fide
omissa sine omni fundamento affirmat. Con-
tra Protestantes vero ex hoc testimonio iterum
probat, quis sensus in Oriente de Episcopi
Romani Auctoritate & potestate fuerit.